

Eqikkaaneq

14. august 2024
ANIHJO aamma
THOROS/KMDS

MitID aamma NemLog-in pillugu inatsisip allanngortinneqarnera pillugu peqqussutip Kalaallit Nunaannut atuutilersinneqarnera pillugu eqikkaaneq

Peqqussutip allanngortinneqarnissaa pillugu tunuliaqutaasoq

MitID aamma NemLog-in pillugu inatsisip allanngortinneqarnera ulloq 12. december 2023 Folketingip akuersissutigisimavaa. Inatsit ulloq 1. januar 2024 atuutilerpoq.

Kunngip peqqussutaatigut inatsisip Kalaallit Nunannut atuutilersinneqarnissaa, tusarniaanermut atatillugu Kalaallit Nunaanni Digitalinngortitsinermut Aqutsisoqarfiup kissaatigalugu nalunaarutigisimavaa.

Inatsisartut 2025-imi upernaakkut ataatsimiinnissaanni suliarineqarnissaa siunertaralugu, qulaani taaneqartoq tunngavigalugu peqqussutip allanngortinneqarnissaanut siunnersuut Danmarkimi Digitaliseringsstyrelse-p suliarisimavaa.

MitID aamma NemLog-in pillugit inatsisip allanngortinneqarnissaanut inatsimmut tunngaviusoq:

Inatsisilerinermik suliaqarfiit kiffartuussiveqarfiusut, nunami EU-miittumi /EØS-miittumi nalunaarsuiffimmi Det Centrale Virksomhedsregister-ip assingani nalunaarsorneqarsimasut, MitID-mik aaqqiinnermik atuisinnaalernissaannik periarfissiinissaq, inatsisip siunertarivaa. Taamaalilluni EU-mi inatsiseqartitsinermut naapertuuttumik inatsisinut tunngassuteqartut qulakkeerneqarnissaat siunertarineqarpoq.

Ilaatigut suliffiup iluani it-systeminik atuisup aalajangersimasup taamaammallu qarasaasiat systemiinik atuisinnaasup kinaassusaata nakkutigineqarnerata uppersararneqarneratalu atorneqarsinnaanera siunertaralugu, inatsisilerinermik suliaqarfiit kiffartuussiveqarfiusut, pisortani oqartussaasut aamma inatsit tunngaviusoq pillugu inatsisiliornermik suliaqarfiit pillugit aamma pisortat innuttaasullu akornanni pissutsinut tunngassuteqartumik sullissiviit ilanngunneqarsinnaanerat, suliffiup iluani it-systemit MitID-imik aamma NemLog-in-imik aaqqiinnernut ilanngunneqarsinnaanerisa erseqqissaavigineqarnissaat, inatsisip aammattaaq siunertaraa.

Inatsisitigut tekniskiusumik naleqqussaaneq uani pineqarpoq. Innuttaasut suliffeqarfiilluunniit inatsisip pisussaaffilinngilai aamma MitID aamma NemLog-in pillugit pisortani ataatsimoorussamik aaqqissuussinerit,

ataatsimoorlutik pisortani namminersortullu sullissiviini atuinissamut
sinaakkusiussaasut, atorneqarnissaannut atatillugu ajortumik
sunniuteqartussaangilaq.

Sullissisuni, attaveqaasersuutini atuisuni imaluunniit atuinissamik
kissaateqartuni, MitID-p aamma NemLog-in-p aamma taakku allaffissornikkut
aqunneqarnerisa nutarsarneqartuarnissaat, ingerlatsinermilu
pisariaqartinneqartunut aqqissuunneqarnissaat pingaaruteqarpoq. Inatsit
taamatuttaaq taamaaliornermut takussutissiivoq.

Peqqussutip allanngortinneqarnissaanut siunnersuutip imarisai:

Kalaallit Nunaanni pissutsit malitsigisaannik, qallunaat inatsisaannut
naleqqiullugu, peqqussutip allanngortinneqarnissaanut siunnersuummi
allannguneq ataaseq suliarineqarpoq.

Siunnersuummi Danmarkimi Digitaliseringsstyrelse-p
innersuussutigineqarnera, peqqussutip allanngortinneqarnissaanut
siunnersuummi § 1, nr. 6-imi erseqqissarneqarpoq. Danmarkimi Kalaallit
Nunaannilu Digitaliseringsstyrelse-mik taaneqartumik aqutsisoqarfeqarnerata
malitsigisaannik, erseqqissaaneq taanna pisariaqartutut isigineqarsimavoq.